

des von ozlendune. Das ist eyn
ding das vinden wirt erblandē
Ladamus von agrippe. Vnd
rodas von ardonre. Ir seint ein
ander sippe. Vnd asprädis von
der künig von stipolonte. Vnd
ipadens der von agrimontine.
Vn melion der stoltze. Der tret
die kron in modientesine.

Trugdius von garrionte.
Vnd irgitas von erapinsē. Mifelt
von parlikonte. Von pozeum li:
sibolt der schwere zinsē. Vinden
wiger in streitlichen georange.
Ob in des feurs zerrinnet. Das
wirt von im gesücht in helmes
spange.

Die andern vanen alle. Bes
dorffent so nit hüte. Sy das kei:
ner valle. So seint des alle hugē:
de in dē müte. Ir habt euch gen
dem moz vnd gen dem trachen
Dar vnder bureglichen. Süle ir
schwenden vinden ameine la:
chen.

Auf zentrum bis nemende.
Ich wil dir yezunt lyben. Das dir
wol ist gezemende. Wann razz:
lick der müst sich gar verzyben.
Azagoucke d ganuretes früche:
re. Wolt er es gern behalten. Nū
wirt nit wüchers me der selben
züchte.

Dye razzalick do zübet. Das
kind mit veben malen. Wie er
den barug flüchet. Mit helff ye:
doch wil ich nit lange ruzalen.
Zazamant vnd azagougk dye
beide. Ertzwing ich vber haubet
Als ich dē sig geniem auff diser

heyde.

Kilikrates bis tragende. Mit
fröden hoch gemüte. Vnd mir
genadē sagende. Du enpfindst
meiner keiner vngüte. Von razz:
zalick noch gamuretes kinden.
Vnd wirt er nūnstund lebende
Ich wen yedoch d; künh an im
erwinden.

E das wir vns hie scheyden.
Was möcht er an vns rechen.
Nun ist auch keiner ein heyden
Dem er do hilft er kan sein ee do
brechen. Ich nem kein güte das
ich den cristen were. Auff iuden
noch auff heyden. Echt mit key:
nem dienste helfebere.

Gamuret versprechen. Solich
hie gen dē cristē Weder ee noch
treüwe brechen. D; kundo er nit
noch mit keinen listen. Das den
gloubē an ichte kan beschwiche:
en. Wann streit durch weib die
werdē. Wo er das fant d; treib
er ritterlichen.

Bitz im das leben werte. D;
flob er wol mit ellen. Der do seis
todes gerte. Der gedorste sich
nirgent dar gefellen. E das der
helm erweichet würo mit vare
Das wil der iunge rechen. Man:
lichen vber laut vnd offenbare.

Ipomidon nit sparte. Do seis
ner sebar der dritē. Vor zagheit
per bewarte. Killikrates sprach
er ich wil dich bitten. Das du d;
dritten sebar manlichen hütest.
Mit wätzen vnd mit ellen. Wan
du in stürme verest sam du wü:
test.